



**PREMIJER KANTONA SARAJEVO
VLADA KANTONA SARAJEVO
MINISTARSTVO NAUKE, VISOKOG OBRAZOVANJA I MLADIH KANTONA SARAJEVO**

Predmet : Hitna inicijativa

Upućujemo hitnu inicijativu radi obezbjeđenja dodatnih 200 000 KM iz Budžeta KS radi osiguranja osnovnih uslova za rad Nacionalne i univerzitetske biblioteke BiH . NUB BIH uprkos kontinuitetu rada i djelovanja , 79 godina postojanja kao i činjenici značaja ove ustanove koja baštini kulturno blago svih naroda Bosne i Hercegovine prisiljena je na radikalne korake koja se tiču njenog opstanka. Najavili su svoje zatvaranje i obustavu rada, a prisiljeni su donijeti ovakve odluke jer nemaju osnovne uslove rad , usljed raznih nevolja i finansijskih neprilika koje uzrokuju da uposlenici ne primaju platu mjesecima, iako redovno dolaze na posao.

NUB BiH je simbol kulturnog identiteta države BiH, istinski čuvar nacionalnog dokumentarnog nasljeđa , koja baštini kulturne i obrazovne vrijednosti. Najavljeno gašenje ove krovne institucije mora se spriječiti svim naporima.

Obrazloženje:

Vlada KS je pokušala napraviti prenosnicu sa ciljem osiguranja stabilnosti funkcioniranja i opstanka 7 ustanova kulture bez statusa kroz donošenje Prijedloga zakona o privremenom preuzimanju sufinansiranja institucija kulture i obrazovanja, čiji je osnivač Bosna i Hercegovina.

Zakon (Lex specialis) je usvojen sa ciljem privremenog preuzimanja sufinansiranja institucija iz Budžeta Kantona Sarajevo do donošenja konačnog rješenja, kroz definisanje statusa, načina finansiranja i poslovanja kako bi se osigurao opstanak funkcionisanja i svakodnevni rad ovih institucija , sprečavajući njihovo ugrožavanje.

U praksi primjena ovog Zakona za Nacionalnu i univerzitetsku biblioteku BiH nije donijela promjenu i potrebnu sigurnost . Obzirom da se NUB BIH finansira sa više nivoa vlasti Vlada KS nije planirala dovoljno sredstava , naime ista su umanjena u odnosu na iznos iz 2022 godine, a sredstva sa federalnog nivoa kasne jer su javni pozivi objavljeni sa zakašnjenjem i njihova realizacija može potrajati u narednih nekoliko mjeseci.

U 2022 godini osigurana sredstva iz Budžeta KS su u iznosu od 270 000 KM i dodatnih 130 000 interventnih sredstava. U 2023 zaprimili su 200 000 KM, a u 2024 godinu 220 000 KM. Uskraćeni su za dodatnih 200 000 KM , sredstva koja bi premostila period do okončanja javnih poziva sa federalnog nivoa, uz vjeru da će se i ovaj proces okončati pozitivno obzirom na promjenu uslova javnih poziva koji ne idu

u prilog ustanovama kulture. Obzirom da je Zakonom definisano da će Vlada KS spriječiti ugrožavanje ustanova kulture bez statusa očekujemo da se hitno izvrši preraspodjela budžeta koja će omogućiti stvaranje osnovnih uslova za rad i isplatu plaća za uposlenike.

Da podsjetimo da je NUB BiH osnovana 1945 godine uredbom Ministarstva prosvjete sa ciljem svestranog poznavanja kulture i života naših naroda , da se omogući rad na području nauke i umjetnosti , da pomaže osnivanje biblioteka i unapređenje bibliotekarstva u BiH. Svoju časnu misiju uprkos svim nevoljama sproveli su savjesno , stručno i odgovorno. Danas oni su centar Regionalnog informacionog servisa koji objedinjuje sve biblioteke koje djeluju pod nazivom COBISS. Ovakav vid on line kataloga objedinjuje sve bibliotečke usluge u elektronskoj formi koji povezuje regiju u jednu cjelinu.

Ukoliko se Centar koju predstavlja NUB BIH ugasi koji je baza cijelog sistema servis se urušava i nije u funkciji.

Ovo bi bila regionalna i svjetska sramota koja se mora spriječiti svim naporima. Takođe NUB BIH obavlja i poslove izdavaštva, izrade bibliografije ujedno Ured za CIP dodjeljuje ISBN verifikacijski broj za nove publikacije čije nestajanje može ugroziti legalnost izdavanja knjiga. Ovo je još jedan u nizu ozbiljnih problema koje može prouzročiti obustavljanje rada NUB BIH . Ujedno postavljamo pitanje sigurnosti vezano za nadzor sigurnosnih kamera ukoliko se prekidom rada obustavi i isporuka električne energije.

U Sarajevu 19.07.2024 godine
Kub Demokratske fronte Skupštine KS